

## BISU

Sezziu in su scannu basciu  
m'est de consolu su mirai abbastu  
s'andai pasiau de is nuis moddis,  
bellas, pitticas a bortas,  
trottoxadas e fortis casi sempiri.  
Hapu bisau e disigiau  
di essiri asub''e issas,  
sterriu a longu in su mantu insoru  
annappau e biancu.  
Hapu bisau di arziai de pagu sa manu  
po lassai scurriri  
intr'e mes'e is didus  
s'asulu pasiau de unu celu  
trasparenti e spumosu.  
Gosai de sa paxi cun sa circhiolla  
chi ampuendi m'attumbat,  
abuchendisinci pustis, a scabiossu,  
cun s'amori de una carizia mia.  
M'appampu in su gosu de podi' ammetsturai  
su spiritu miu a totu cussas luxis  
senz''e castiai a basciu.  
Inni c'est sa terra, su mundu miu  
di aundi mi ndi 'ollu fuiri.  
No bollu prus torrai a biri  
is montis accuzzus, is costeras pomposas  
e azzudas, is padentis birdis  
chi arreparant a iscudu sa tretta de pagus vilis  
chi si cuant intr'e mesu de sa bontadi de medas.

## SOGNO

*Seduto sullo scanno basso / m'è di sollievo guardare attento / il lento andare delle languide nuvole, / belle, piccole a volte, / contorte e forti quasi sempre.*

*Ho sognato e desiderato / di esser disteso sul loro / bianco ovattato. / Ho sognato di sollevare appena la mano / e lasciar scorrere fra le dita / l'azzurro placido di un cielo / terso e spumoso. / Godere della pace con l'arcobaleno / che salendo mi sfiora, / e poi va giù verso la terra / con l'amore di una mia carezza.*

*M'avvampo di gioia nel confondere / il mio spirito ai colori / senza guardar di sotto. / Laggiù c'è la terra, il mio mondo / da cui voglio fuggire. / Non voglio più rivedere / i monti aguzzi, le coste altere / frastagliate e i boschi verdi / che fanno scudo alla viltà di pochi / che si nascondono / fra la bontà di molti.*